

## **MRSA Pasieantadieđut**

Okta dain du iskosiin čájeha ahte dus leat Meticillin Resistente Staphylococcus Aureus (MRSA) -bakteriijat. Daid ii sáhte nu álkit dikšut antibiohtain. Danin leat ge muhtin erenoamáš doaimmat du birrasis dan botta go leat buohcevesus, eastadan dihte njoammuma eará buhcciide. Mii sávvat ahte dát dieđut addet buoret áddejumi dasa manne mii fertet dakkár doaibmajuid váldit atnui.

## **Mii lea MRSA?**

MRSA leat fiskes stafylokokkat mat leat resisteanttat mángga lágan antibiohtaide. Fiskes stafylokokkat leat bakteriijat mat mángasiin mis leat iežamet liikkis dahje njunis. Dábálaččat olmmoš ii fuobmá ahte dat leat das, muhto muhtumin dat sáhttet daguhit infekšovnnaid, ja dalle dábálaččat infekšovnnaid liikkis dahje háviin.

## **Lea go MRSA váralaš?**

MRSA dagahan infekšovnnat eai dárbbat leat váraleappot go dábálaš fiskes stafylokokka infekšovnnat, muhto gáibiduvvo dikšuma earálágan antibiohtaiguin. Dan sivas go MRSA infekšovnnaid sáhtta leat váttis dálkkodit, de eat hálit dan njoammut buohcevesus.

## **Mot don ožžot MRSA?**

Dan sáhtta leat váttis vástidit, muhto mii diehtit ahte sisačáliheapmi buohcevisui riikkain olggobealde Davviriikkaid, dahje antibiohtaid guhkes áiggi geavaheapmi leat várrafáktorat. Bakteriijat njommot vuosttažettiin guoskadettiin olbmuid gaskkas. Dat sáhttet maid leavvat guoskadettiin uksageavjjaide, čuovgabotkkoniidda, tekstiillaide ja sullasaš guoskansajiid bokte.

## **Sáhttago MRSA dikšut?**

MRSA guoddin ii dábálaččat atte dávdda. Jus oáččut MRSA infekšovnna, fertet mii leat áicilat ja heivehit antibiohtadikšuma. MRSA sáhtta muhtomin jávkat fáhkkestaga. Jus ii, de soaitá leat dárbbalaš geahččalit bajildusdivššu váldimis bakteriijaid eret. Dakkár bajildusdivššu árvoštallá du divššár ovttasráđiid duinna.

## **Maid dahket dearvvašvuodabargit eastadan dihte MRSA leavvama?**

Go várohuvvo dahje duođaštuvvo MRSA, de fertet buohcevesus leat sierra lanjas eastadan dihte njoammuma eará buhcciide. Bargit geavahit suddjendávviid nugo suorbmafáhcaid, fiskes readdju ja njálbmesuoji. Lea dehálaš ahte buohkat doaimmahit giehtabuhtisvuoda go bohtet du latnjii, ja go fas guđdet dan. Buhcciidruovttuin leat sierra rutiinnat MRSA dáfus. Guossit fertejit oazžut dieđuid, ja čuovvut ásahusa rutiinnaid.

## Máid galggat bargat go ollet ruoktot?

- Buorre giehtabuhtisvuohta giehtaspriitain dahje giehtabassamiin sáibbuin ja čáziin lea deháleamos eastadit MRSA leavvamis.
- Jus leat eambbosat bearatgottis de sáhtta leat áigequovdil váldit iskosiid dain eará bearatgoddemielláhtuin dan bajildusdivššu ektui.

*Bajildusdikšu lea earenoamážit ávžžuhuvvon jus don dahje muhtin dain bearatgoddemielláhtuin barget dearvvašvuođaguovddázis, dahje lea buozanvuohta mii mielddisbuktá ollu oktavuoda dearvvašvuođabálvalusain. Jus it bargga dearvvašvuođabálvalusas de sáhtát don eallit ja bargat nugo dábálaččat. Mánát geat leat MRSA guoddit sáhttet mannat mánáidgárdái ja skuvlii nugo dábálaččat.*

- Dieđit MRSA birra juohke háve go válddát oktavuoda dearvvašvuođa- ja bátnedivššárvalusain. Dalle sáhtta álggahit eastadeaddji doaibmabijuid bisseheamis leavvama.